ЎЗБЕКИСТОН РЕСПУБЛИКАСИ ВАЗИРЛАР МАХКАМАСИНИНГ КАРОРИ

567 Мол-мулкни бахолаш стандартларини ишлаб чикиш, тасдиклаш, уларга ўзгартириш ва кушимчалар киритиш тартиби туррисидаги низомни тасдиклаш хакида

«Бахолаш фаолияти тўгрисида» ги Ўзбекистон Республикаси Қонунининг 9-моддасига мувофиқ Вазирлар Маҳкамаси **қарор қилади:**

- 1. Мол-мулкни бахолаш стандартларини ишлаб чиқиш, тасдиқлаш, уларга ўзгартириш ва қўшимчалар киритиш тартиби тўгрисидаги низом иловага мувофиқ тасдиқлансин.
- 2. Ўзбекистон Республикаси Давлат мулки қумитаси манфаатдор вазирликлар ва идоралар билан биргаликда икки ой муддатда уз норматив-хукукий хужжатларини ушбу қарорга мувофиклаштирсин.
- 3. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

Узбекистон Республикасининг Бош вазири

Ш. МИРЗИЁЕВ

Тошкент ш., 2009 йил 21 декабрь, 322-сон

> Вазирлар Маҳкамасининг 2009 йил 21 декабрдаги 322-сон қарорига ИЛОВА

Мол-мулкни бахолаш стандартларини ишлаб чиқиш, тасдиқлаш, уларга ўзгартириш ва қушимчалар киритиш тартиби туррисида НИЗОМ

І. Умумий қоидалар

- 1. Ушбу Низом мол-мулкни бахолашнинг янги стандартларини ишлаб чиқиш ва тасдиқлаш, шунингдек мол-мулкни бахолашнинг амалдаги стандартларига ўзгартириш ва қушимчалар киритиш хамда уларни ўз кучини йуқотган деб эътироф этиш тартибини белгилайди.
- 2. Ўзбекистон Республикаси Давлат мулкини бошқариш давлат қумитаси (кейинги уринларда «Давлат мулки қумитаси» деб юритилади) молмулкни баҳолаш стандартларини уз вақтида ишлаб чиқиш ёки қайта куриб

чиқиш, уларни келишиш, тасдиқлаш ва норматив-хуқуқий хужжат сифатида давлат руйхатидан ўтказиш учун ваколатли ва масъул давлат органи хисобланади.

- 3. Мол-мулкни бахолаш стандартлари Ўзбекистон Республикаси қонун ҳужжатлари доирасида ишлаб чиқилиши ва Ўзбекистон Республикасининг бухгалтерия ҳисоби миллий стандартлари билан ўзаро боглиқ бўлиши керак.
- 4. Мол-мулкни бахолаш стандартлари бахолаш фаолияти тўгрисидаги конун хужжатлари ўзгариши муносабати билан ёки Давлат мулки кўмитасининг ташаббуси билан амал қилиш муддати тамом бўлгунга қадар қайта кўриб чиқилиши мумкин.
- 5. Давлат мулки қумитаси белгиланган тартибда тасдиқланган мол-мулкни баҳолаш стандартларини баҳолаш ташкилотларига етказади ва уларга риоя этилишини назорат қилади.
- 6. Мол-мулкни баҳолаш стандартларини амалда қуллаш мақсадида унга илова сифатида ушбу стандартларнинг ажралмас қисми ҳисобланган ва улар билан биргаликда амал қиладиган тегишли методик курсатмалар ишлаб чиқилиши мумкин.

II. Мол-мулкни баҳолаш стандартларига қуйиладиган талаблар

7. Мол-мулкни бахолаш стандартлари қуйидагиларни белгилайдиган ўзаро боғлиқ нормалар ва қоидалар комплексини ифодалайди:

бахолаш тушунчалари ва принциплари;

бахолаш фаолиятида қулланиладиган атамалар ва тарифлар;

қиймат турларига қуйиладиган талаблар;

бошланғич ахборотга қуйиладиган талаблар;

бахолашни ўтказиш тартиби;

бахолаш усулларини қўллаш хусусиятлари;

бахолаш натижаларини расмийлаштиришга қуйиладиган талаблар;

бошқа талаблар.

- 8. Баҳолаш тушунчалари ва принциплари баҳолаш фаолияти ва молмулкни баҳолаш стандартлари асосланадиган асосий юридик ва иқтисодий тушунчаларни изоҳлайди.
- 9. Атамалар ва тарифлар мол-мулкни бахолаш стандартларида фойдаланиладиган асосий ва махсус атамаларнинг мохияти ва маъносини очиб беради.
- 10. Қиймат турларига қуйиладиган талаблар стандартларни қуллаш учун мол-мулкни баҳолаш стандартлари билан белгиланган қийматнинг бозор ва бозор базаларидан фарқ қиладиган муҳим белгиларини белгилайди ва изоҳлайди, шунингдек мол-мулкни баҳолаш стандартларида назарда тутилган қийматлар турлари уртасидаги фарқни белгилайди.
 - 11. Бошланғич ахборотга қуйиладиган талаблар бахолаш объектини

бахолаш учун зарур булган ахборотнинг хусусияти, мазмуни ва хажмини белгилайли.

- 12. Баҳолашни ўтказиш тартиби баҳолаш объектини баҳолашда иш-ҳара-катларнинг босқичлари ва изчиллигини белгилайди.
- 13. Бахолаш усулларини қўллаш хусусиятлари бахолаш мақсадидан ва бахолаш объектининг ўзига хос хусусиятларидан келиб чиқиб бахолашнинг у ёки бу усулини танлаш тартибини очиб беради.
- 14. Бахолаш натижаларини расмийлаштиришга қуйиладиган талаблар бахолаш туррисидаги хисоботни баён қилиш шаклини, тақдим этиладиган ахборотнинг сон ва сифат изчиллигини хамда мантиқан узаро боғлиқлигини белгилайди.
- 15. Мол-мулкни бахолаш стандартларида бахолаш жараёнини тартибга солишга йўналтирилган бошқа талаблар ҳам бўлиши мумкин.

III. Мол-мулкни баҳолаш стандартларини расмийлаштиришга қуйиладиган талаблар

- 16. Мол-мулкни баҳолаш стандартлари талабларини баён қилиш ҳар хил талқин қилишни истисно этадиган қисқа ва аниқ булиши керак.
- 17. Ҳажми ва мазмунига қараб мол-мулкни баҳолаш стандартлари ўз номига эга бўлган айрим бўлимларга бўлинади. Бўлимлар рим рақамлари билан рақамланиши керак, барча бўлимларнинг кичик бандлари араб рақамлари билан рақамланади.
- 18. Мол-мулкни бахолаш стандартининг хар бир бандида тугалланган битта норматив курсатма булиши керак.
- 19. Жадваллар, графиклар, хариталар, схемалар, хужжатлар ва бланкаларнинг намуналарини иловаларда жойлаштириш, матнда эса тегишли хаволаларни кўрсатиш зарур.
- 20. Мол-мулкни баҳолаш стандартини расмийлаштириш норматив-ҳуқуқий ҳужжатларни тайёрлаш ва қабул қилишнинг белгиланган талабларига мувофиқ булиши керак.

IV. Мол-мулкни бахолаш стандартларини келишиш ва тасдиқлаш тартиби

- 21. Мол-мулкни бахолашнинг ишлаб чиқилган стандартлари, агар молмулкни бахолаш стандартининг лойихасида бошқа вазирликлар ва идораларнинг манфаатлари ёки ваколатига дахл қиладиган нормалар мавжуд булса, келишиш учун манфаатдор вазирликлар ва идораларга юборилади.
- 22. Мол-мулкни бахолашнинг келишиладиган стандарти лойихасида тегишли вазирликлар ва идоралар рахбарларининг тегишли вазирлик ва идоранинг мухри билан тасдикланган имзолари куйилган лойиханинг келишилганлигини курсатадиган якунловчи қоидалар булиши керак.
- 23. Мол-мулкни баҳолаш стандартлари Ўзбекистон Республикаси Адлия вазирлигида давлат рўйхатидан ўтказилиши керак.

V. Мол-мулкни бахолаш стандартларига ўзгартириш ва кўшимчалар киритиш ёхуд уларни ўз кучини йўкотган деб эътироф этиш

- 24. Мол-мулкни баҳолаш стандартларига ўзгартириш ва қўшимчалар киритиш ёки уларни ўз кучини йўқотган деб эътироф этиш Давлат мулки қўмитаси томонидан амалга оширилади.
- 25. Мол-мулкни бахолашнинг янги стандарти тайёрланиши муносабати билан илгари қабул қилинган мол-мулкни бахолаш стандартига ўзгартириш ва қушимчалар киритиш ёки уни ўз кучини йуқотган деб эътироф этиш туррисидаги таклифлар янги стандарт лойихасини ишлаб чиқиш билан бир вақтда тайёрланиши керак.
- 26. Агар баҳолаш фаолияти тўғрисидаги қонун ҳужжатларига ўзгартириш киритиш мол-мулкни баҳолаш стандартларига тегишли бўлса, Давлат мулки қўмитаси ўзгартириш ва қўшимчалар киритиш тўғрисидаги тегишли ҳужжатларни ҳуқуқий экспертизадан ва давлат рўйҳатидан ўтказиш учун Адлия вазирлигига тақдим этади. Мол-мулкни баҳолаш стандартлари қонун ҳужжатларига мувофиқлаштирилгунига қадар ушбу стандартлар қонун ҳужжатларига зид бўлмаган қисми бўйича амал қилади.
- 27. Агар бахолаш фаолияти тўгрисидаги қонун хужжатлари ўзгариши муносабати билан ёки Давлат мулки қўмитасининг ташаббуси билан молмулкни бахолаш стандартларини кайта кўриб чиқишда мол-мулкни бахолашнинг айрим стандартлари амал қилишини тўхтатиш зарурияти юзага келса Давлат мулки қўмитаси Адлия вазирлигига мол-мулкни бахолаш стандарти ўз кучини йўқотганлигини эътироф этиш тўгрисидаги тегишли қарорни такдим этади.
- 28. Бошқа вазирликлар ва идоралар билан биргаликда ёки келишган холда қабул қилинган мол-мулкни бахолаш стандартига ўзгартириш ва қушимчалар киритиш ёки уни ўз кучини йуқотган деб эътироф этиш ушбу вазирликлар ва идоралар билан биргаликда ёки келишган холда амалга оширилади.